

籌辦夷務始末

第一函
正十九册

籌辦夷務始末卷之十三

咸豐六年丙辰三月甲子伊犁將軍扎拉芬奏等。前因塔城民匪滋事。於上年九月間。將辦理不善之薩碧屯等。參處。並令哈布齊賢等。前往查辦。緝犯驗骨各項事宜。仰承

聖諭。均著照所擬辦理。隨督飭委員催提各犯。而塔城距伊犁較遠。至十二月間。始據將原告徐添堯等十名解到。督同委員細心研鞫。據徐添堯。安玉賢均供。因挾偷挖金砂。被俄夷告官驅逐。並薩碧屯枷責之嫌。安玉賢起意放火燒燬夷園貨物。徐添堯起意將薩碧屯誣控。並懷疑妄訴各情俱

不諱馬隆興供認聽從放火馬占彪康得祿何騰蛟供稱
知情馬文棟實係馬榮頂替王宗浩係李春雲頂替李伏
有係張明頂替馬榮供未同行李春雲張明均供搶有貨
物並據塔城將拏獲之楊春曾士有布音錫郭長驪劉榮
升五名及庫爾喀喇烏蘇拏獲之田文元王伏李喜王考
娃子四名先後解到楊春等訊明係次日火滅後檢拾殘
物被獲田文元供認搶貨屬實王伏李喜王考娃子供稱
並未在場復據安玉賢等供稱馬文棟王宗浩李伏有皆
係放火從犯並有馬大漢劉火頭蘇沙兒馬受劉金孝海
生達等現均吞拏尚未到案正在辦理間奉到十二月十

一日

上諭。復派員提犯研訊。各供前情無異。查雅爾噶圖金廠前於戊
豐三年六月間。經前任塔爾巴哈台參贊大臣豐紳泰請
試開。嗣因金苗不旺。出示停撤。該金夫等仍時往偷挖。經
俄夷告知。派官兵前往驅逐數次。五年五月間。該金夫等
糾聚多人。在薩碧屯署中滋鬧。薩碧屯將徐添義。安玉賢
等。枷責釋放。該金夫等遂倡言要放火燒燬夷園貨物。安
玉賢與馬隆興。楊興瑞。旋以俄夷搶斃民命五名。煙斃六
名之詞。先後呈控。六月十八日。徐添義在卡外找出不全
骷骨二具。稱係該夷所害。該城以並無指證。未准相驗。七

月初十日。安玉賢。即糾約馬興隆等。放火燒燬夷園貨物。洩忿。十四日二更時分。安玉賢等。同至王姓水磨地方。會齊。四更時分。安玉賢等。前赴夷園。首用葦子點燒該夷草堆。馬隆興等。亦各將火把點放。夷人驚起。即行奔逃。延燒幾盡。有匪徒乘機搶掠夷貨。次日塔城官眷。畏事奔逃。匪徒將夷貨。夫帶出境。此民匪當日焚劫。該夷情形也。現在查點燒燬貨物。統計該城檢獲交安集延之件。及委員查出之件。約值三萬餘兩。已一併存庫。應俟該夷來時。點清交付。其燒燬及搶去貨物。應於各犯中追賠。至民回等。呈告俄夷殺傷民人一節。查楊興瑞於四年冬間。控稱該夷

燒死民人六名。安玉賢、馬興隆於五年五月控稱該夷槍斃民人五名。均經該城委員查驗。並無蹤跡。六月間徐添義員出不全枯骨二具。八月又員來不全頭骨一具。經該參贊併同驗明。均無傷痕。奏明在案。而徐添義等曉曉置辯。稱係相驗不實。據委員哈布齊賢等覆行檢驗。據仵作劉呈吉等驗報不全枯骨二具。內一具顙門等處有鐵器傷。肋骨有金刃傷。一具左胯左腰有鐵器傷。餘骨均各無存。又據劉呈吉供稱。胯骨脛骨均非致命要害。其不全顙骨一具。據驗報稱。顙顙係青黑色。左右腿脛骨有鐵器傷。並無烟燼形跡。均與原控不符。今徐添義所拾不全枯骨。

三具原控指係民人黃保子。郭登子。溫老五。三人尸骨。及至提訊。徐添堯又供稱。誤聽旁言。委實不知何人骨殖。質之最犯。亦均不能指證。復訪員向徐添堯審問。復稱前因黃保子等三人。日久查無下落。是以疑係俄夷殺傷。至不全枯骨。委實不知何人骨殖等語。黃保子等。果被俄夷殺傷。徐添堯並未目擊。又豈能於荒山叢骨內。遽行辨認。且所驗鐵器等傷。亦與原控煙斃槍斃等傷不符。應將該仵作劉呈吉等。提傳來供。質訊明確。以成信據。至徐添堯等呈控薩碧屯通夷害民各款。均無實據。訊與該參贊前次奏覆之語。大畧相同。又查該夷從前會議通商時。論及如

有殺傷民命情事。請帶回本國治罪。堅執不肯擬抵。是以
前經奏明。此後中國與俄夷。遇有重案。亦就近在伊犁訊
明定案。後將犯解往陝甘總督衙門。聽候部覆辦理。今民
匪燒搶。俄夷於大起後奔逃。至今未返。四次行文。令其派
人前來會商。上年十二月間。始據回稱。本處斷不能照來
咨辦理等語。此案夷人難以傳質。止可就此供情定擬。放
大故燒夷園。審係安玉賢為首。挾嫌誣控。審係徐添義為
首。均應照例從重問擬。其乘機搶掠之犯。照奏定章程。解
往陝甘聽候部覆。已革候補防禦薩碧屯。辦理不善。與已
革筆帖式阿彌善。前往塔城。將夷房等項設法妥辦。以贖

前愆救大不力之都司文哲琿等先行撤任審究餘俟訊明擬結委員哈布齊賢等俟夷人有前來信息隨同辦理事宜文景一員尚有該管地方事務應飭先行回任

硃批知道了

己巳兩江總督怡良江蘇巡撫吉爾杭阿奏接據護蘇松太道藍蔚雯稟據漢夷司稅喇嘛呈稱新製小火輪礮船屢經攻下俄囉斯礮臺城垣著有成效現在中國各處肆擾正宜買此輪船數隻掃除狂寇如肯允行該夷願立軍令狀效力戎行並將其船堅礮利與俄囉斯爭鬪獲勝情形繪圖九紙註明夷字稟呈前來臣等查前據該夷面

寧蓋蔚雲各國條約章程○必求更改○否則恐致生事事情○
業經臣等奏蒙

聖鑒在案○今該夷因臣等正言拒絕○復以助順勦逆為詞○誇張其
船堅礮利○且有船身輕靈礮火精妙○即至淺至窄之處○亦
可駛到之語○其意全係虛詞恫喝○情形實屬叵測○臣等以
鎮江等處○非該夷人船應到之地○中國兵力○足制逆賊死
命○毋庸借資夷力○批飭傳知遵照○並密飭該護道○隨機駕
馭○潛消其桀驁之心○遇有可疑之處○即隨時馳報○但夷情
詭譎○言必有因○細按其至淺至窄四字○竟將任其所之○能
否即行馴服○臣等實未敢深信○

硃批近有廷寄詢問汝等能否雇用夷船實與此事無涉惟該夷既有此呈前事更應斟酌勿墮其術中豫杜患萌

庚午庫倫辦事大臣德勒克多爾濟等奏茲據俄夷文稱請嚴禁華商與夷商越邊貿易並令夷兵會同我兵入卡巡防等語擬即咨駁嗣後嚴禁越邊貿易等事應令兩國卡兵各按境界巡防以肅邊疆不得令俄國巡兵入卡硃批覽所辦甚是

丁丑兩江總督怡良江蘇巡撫吉爾杭阿奏據護蘇松太道蓋蔚雯稟據英夷呼嚕咽呈稱福州關稅偷漏甚多有商船一隻裝茶葉出口照例約該完稅銀二萬五千兩該

船僅完稅銀一千七百兩。又福州自設關以來徵收茶稅。每擔一兩五錢。或一兩。或不及一兩。較上海之每擔按照稅則徵銀二兩五錢者。大有區別。又甯波關毫不稽查。全無稅則。運來出洋。亦不阻止。以致上海商情不服。見利思遷。數月以來。上海進口各船。皆係空出。前赴甯波裝米。及一切貨物。上海關稅必致立形短絀。議請檢查上海上年裝茶底帳。按數扣還。每擔五錢。留抵以後各稅。否則儘三箇月。暫准仿照福州關茶稅。每擔酌減五錢。俾得抵補上年之虧。以昭平允。免生事端。雖經該護道嚴詞駁飭。而本年正二兩月。所收夷稅。已形短少。事請飛咨閩浙二省。嚴

行查辦等情。等。查夷情詭譎。善於蹈人之瑕。藉口扶制。而其所言。又必非無因。今福州關如果短價招徠。任聽偷漏。甯波關於貨物未糧出洋。毫無稽查。該夷惟利是視。勢必舍上海而往甯波。福州則上海關稅立即短絀。甯波福州。加增無幾。全局皆為掣動。適墮該夷減稅之計。且我馭夷之法。不過責其恪守成約。若竟自破藩籬。彼更有詞可藉。尋釁生事。實在意中。而其運米出洋。更屬有干例禁。相應請

旨。飭下福州將軍。閩浙總督。浙江巡撫。嚴查偷漏短稅。責令按照稅則。畫一徵收。並跟查將米賣給夷船之人。嚴行究辦。庶

五口不致辦理參差。夷稅不致日形短絀。

諭軍機大臣等。怡良。吉爾杭阿奏。嘆夷呈稱。福州商船一隻。裝茶出口。僅完稅銀一千七百兩。自設關以來。徵收茶稅。每擔一兩五錢。或不及一兩。較之上海。大有區別。又甯波關毫不稽查。全無稅則。運米出洋。亦不阻止。數月以來。上海各船。皆係空出。關稅必致短絀。請檢查上年底帳。按數扣還。留抵各稅。否則暫准仿照福州關茶稅酌減等語。各口關稅。自應畫一徵收。如果福州關短價招徠。任聽偷漏。甯波關於米糧貨物出洋。漫無稽查。不但上海關稅立見短絀。且恐墮該夷減稅之計。況運米出洋。尤干例禁。著有鳳王懿德。何桂清。嚴密確查。各該省徵收關稅。

是否有偷漏等弊。與上海關稅何以互相參差。糧米出洋何以不行禁止。吏情詭譎亦難保非藉詞尋釁。該將軍督撫等務即按照所奏各情。詳細查明。據實具奏。原片著鈔給閱看。

癸未庫倫辦事大臣德勒克多爾濟等奏。據俄吏文稱。春融時。派兵前赴松花江下游等語。請由理藩院及黑龍江吉林將軍。作速行文俄國。阻止夷官。不得帶兵侵占地界。並請令各該將軍等。嚴飭官兵。於各要隘不時巡查。預為

防範。

諭軍機大臣等。據德勒克多爾濟等奏。請飭理藩院。迅速咨覆俄羅斯薩納特衙門。並懇行知黑龍江等處將軍。暗為防範一摺。

當經降旨令吉林黑龍江將軍等仍遵前旨妥為辦理矣。因思此時若由理藩院咨覆俄囉斯薩納特衙門與爾三人從前所行之文不合轉致該夷疑貳務須暗為留心防範斷不可另生事端。

又

諭德勒克多爾濟等奏。接據俄夷來文一摺。俄囉斯借分界為名。欲將黑龍江松花江左岸以及海口均分給伊國守護。屢次諭令奕格景瀉等會同勘定。以杜要求。嗣據該將軍等奏稱。該夷阻冰登陸。已由陸路回國。雖經過江面尚無滋擾情事。而聲言明年仍有船隻前來。不可不加防範。現在春暖冰融。將交夏令。

該夷勢必復來要約。景瀄前次奏報。頗能洞悉夷情。夾山赴任以後。於一切情形。想已預為籌畫。著該將軍等遵照前旨。遇有俄夷船隻駛至該處地面時。務須暗為設防。隨機應付。勿令滋生事端。是為至要。

五月癸亥。黑龍江將軍奕山。吉林將軍景瀄。齊齊哈爾副都統那敷德。奏兩省會辦夷務。均期防撫兼施。與景瀄晤面商計。春融在邇。俄夷必將復來。遂即揀派吉林協領富呢揚阿等。先赴齊齊哈爾城。與呼倫貝爾總管吉拉明阿等。專辦防撫事宜。並以黑龍江地當緊要。飭調該員等往幫副都統魁福經理一切。設該夷復至。果有要約。務須善